

[GESTA^a HEINRICI^b IMPERATORIS METRICE]. p. 1218.

LIBER^c I.

Regis Heinrici volo praelia^d dicere quarti
 Contra Saxonum gentem sua iura negantem,
 Quae dum fallentes sociaret^e viribus artes^f,
 Plurima bella dolis fidens commisit et armis.

5 Alme Deus, succurre^g mihi proferre latentes
 Usque modo causas, ea gens quo laesa dolore,
 Quidve timens tantos belli commoverit aestus
 Adversus regem nulli pietate secundum¹,

cf. Verg. Aen.
III, 32.
cf. ib. I, 8 sq.
p. 1219.

10 Et cui se nunquam tulit impune obvius hostis².

Domni regis adhuc pueri gens effera laxis
 Dum fluit imperiis nec habebat iura timoris,
 Non falsum^h vero nec iniquum segregat aequo.
 Quod fuerat libitum sibi quisque secutus eorum,

15 Ecclesias spoliant, viduis sua diripiebant,
 Pupillos miserosque premunt, vi cuncta geruntur;
 Pauperis heredem statuit fortuna potentem;
 Plus nocuit qui plus potuit, lex nulla coercet,
 Fasque nefasque sibi fuerat cuiusque voluntas³.

cf. Lucan. V,
313.

20 Sed rex ut teneros superat virtutibus annos,
 Ante nimis laxas huic genti strinxitⁱ habenas,
 Iura dedit, leges statuit, cohibenda coercet⁴,

cf. Aen. I, 63.
cf. ib. I, 507.

a) sic 1; lemma deest 2. b) IV. alio atram. post add. 1. c) L. I. des. 1. d) d. pr. 2.
 e) socias (altera manu corr. sociat) et 1. f) sic emend. Goldast; artes 2; vel artes
 vel arces in 1 legi potest. g) ur e corr. 1. h) falsis 2; falsum iam emendavit
 Reuber. i) struxit 1.

1) Cf. Nasonis argum. Aen. I, 1, Ribbeck, Proleg. ad Verg. p. 370:
 nulli pietate secundum. 2) Cf. Aen. VI, 879 sq.: non illi se quis-
 quam inpune tulisset obvius. 3) V. 11—19. poetam Alcimi Aviti
 Poem. IV, 13—27. imitatum esse contendit A. Pannenburg, 'Forschungen'
 XIII, p. 413 sq.; quod mihi non persuasit. 4) Simillima habet Vita
 Heinrici IV. c. 2.

- Ecclesiis, viduis, miseris vi rapta requirit;
 Nec fecit quisquam post haec impune rapinam.
- 25 Talia quod populus tolerabat frēna superbus,
 Perdoluit, multumque timens, ne poena sequatur
 Tot malefacta sui, studuit contraria regi
 Viribus atque dolis. Furor hinc evenerat omnis,
 Hinc belli causae veniunt sub imagine recti.
1073. 30 Coniurata dolo gens ut convenit in unum,
 Consiliis instructa suas fallentibus artes,
 Tres oratores legatos eligit omni
 Ex numero, sua qui deferrent nuncia regi¹.
 Qui missi cursum tendunt ad regia tecta².
- cf. Aen. XI,
447. I, 631sq.
- 35 Ut sunt ingressi, fuit et locus aptus agendi,
 Inter eos animis qui maximus extat et annis^a,
 Verbis Saxonum sic Meginfridus³ agebat^b:
 'Rex, tam virtutum quam regni nobilis heres^c
 Patris avique tui, meritis contraria nostris
- 40 Plurima pertulimus, tibi nunc^d semperque fideles.
 Vim qui ferre solent aliis in partibus orbis,
 Hanc nobis faciunt. Pupillus⁴ et advena quivis
 Indigenas prohibent^e silvis communibus uti,
 Pascua praeripiunt, abigunt armenta gregesque,
- 45 Heredes^c circumveniunt, vi predia tollunt⁵,
 Omnibus atque modis fit ab his iniuria nobis.
 Quam, pie rex, cohibe posthac et corrige facta,
 Leges redde tuis ablataque patria iura!
 Quod tibi debemus, si nunc optata feremus,
- 50 Quo nos cunque vocant, sequimur tua iussa volentes⁶.
 Sic fatus, regis responsum tale recepit:
 'Corrigo, si qua piis meritis adversa tulistis,
 Nec quisquam frustra queritur mihi vindice digna.
 Quam vos arguitis, non est iniuria nec vis.
- 55 Non vestras leges, non ius discindere quaerens^f,
 Passis usque modo miseris vim rapta reposco,
 Reddo; nec absistam, donante Deo mihi vitam.
- cf. Deut. 16,
11. 14.
- cf. Aen. II, 50.
p. 1220.
cf. Hor. Ep.
II, 3, 191.

a) armis 2; sed cf. infra III, 87. b) agebat Gold. c) haer. 1 semper; her. 2 h. l. d) nec 1. e) prohibens 1. f) querens 2.

1) Cf. Aen. XI, 331: Centum oratores... ire placet; Nasonis argum. Aen. VII, 4, l. l. p. 374. 2) Goslariae Iun. 29; Lamb. Ann. p. 196; Ann. Altah., SS. XX, p. 824; Bruno de bello Saxon. c. 23. 3) Praefectus Magdeburgensis; Bruno c. 52. 117. 4) Nimis inepte ex versu Sacrae Scripturae laudato pupillus Saxonibus vim inferre dicitur. Cf. v. 82. 5) Cf. H. Ulmann, 'Hist. Aufsätze d. And. an G. Waitz gewidmet' p. 119 sqq. 6) Cf. Aen. I, 610: quae me cunque vocant terrae; III, 114: divum ducunt qua iussa sequamur.

- Si qua tamen vestrae superest querimonia genti,
Regni primates mihi convenientque fideles;
60 Horum consilio super hac re subpeditabo'.
Missi dicta suis referunt dum regia castris,
Infelix populus ruit ad bellum studiosus.
Aeque maiores, aeque furuere¹ minores,
Illi, ne perdant quae plurima rapta tenebant,
65 Hi, quia pauperiem sperabant vincere predis.
Quisque manu patrium sibi ius^a ait experiundum.
Talibus auditis, constanti pectore fortis
Rex iubet ad sese Saxonum quemque^b vocare
Condicione sub hac, si se velit et sua salva.
70 Nescia mens hominum², spectans instantia tantum,
Quot mala vitares, si provida vivere scires!
Hi modo gauderent, si regia iussa fuissent
Sectati. Solvisse dolent semperque dolebunt³.
Ut perspexit eos rex nolle venire vocatos,
75 Sex ibi castellis⁴ multo munimine firmis
Presidia imposuit, victum quoque largiter addit.
Ipse rebellantes acies^c ducturus in hostes
Ibat⁵, uti propere conduceret arma virosque.
Saxonum populus, digresso rege, superbus
80 Leges^d, iura, magistratus, fas excidit omne;
Ante sibi vetitas^e gaudet cumulare rapinas.
Ecclesiae, viduae, pupillus et advena quisque,
Nuper desueti, vim sunt iam denuo passi.
Sic indiscrete pravi rapiuntque ruuntque⁶.
85 Nec minus interea circundant^f milite castra
Regia, presidiiis quae sunt commissa relictis.
Heimenburc^g·⁷ primum, quod erat superabile visum,
Aggressi, bello decertavere cruento.
Nam castellani fortes, ad bellaque docti,
90 Invictique forent, solum^h si continuissent

1073.

*cf. Aen. I, 1.**cf. ib. I, 426.**cf. Deut. 16,
11. 14.*

a) vis 2. b) quenque 1. c) aciem 2. d) v. 80. post v. 81. posuit Waitz; sed excidit pro excidit scriptum esse opinor, unde causa versus transponendi tollitur; cf. III, 5: fas discidit omne. e) ventas 1. f) sic semper 1. 2. g) Heimenburc corr. alia manu Hennenburc 1; Hennenberg 2. h) si solum 2.

1) Metro coactus poeta hoc perfectum apud auctores antiquos non usitatum usurpavit; cf. infra v. 134. III, 53. 2) Cf. Aen. X, 501: Nescia mens hominum fati. 3) Cf. Lucan. VI, 303: dolet heu semperque dolebit. 4) Novem Lamb. p. 200. enumerat. 5) Aug. 9—13. de castro Harzburg ad monasterium Hersfeldense aufugit; Lamb. p. 198; Ann. Altah. p. 824; Bruno c. 27. Quam fugam poeta silentio texit. 6) Cf. Aen. IV, 581: rapiuntque ruuntque; cf. ib. I, 633: Nec minus interea. 7) Heimbürg prope Blankenburg; cf. Lamb. p. 201; Ann. Altah. p. 824.

1073.
cf. *Aen. VII*,
102 sq.
IV, 527.
- 95 Crimen avariciae, quod pervertit bona quaeque¹.
Hoc igitur positum montano vertice^a castrum
Circulant^b vulgi tria milia nocte silenti.
Vix expectabant lucem, summisque ruentes
- cf. *ib. IX*, 503.
p. 1221.
- 100 Viribus ad montem, certatim scandere temptant^c.
Hostica quo vitent, acta testudine, tela.
Undique conferti^d properant super ardua niti;
Gressum dextra iuvat, manus arma sinistra gerebat.
Sic ascendentes et iam vallo propiantes,
- cf. *ib. III*, 128.
II, 313.
cf. *Sal. Cat. c.*
60; *Aen. I*,
111.
- 105 Ecce vident fortes occurrere desuper hostes,
Indutos omnes insignia bellica quaeque.
Exoritur propere non parvus clamor utrimque;
Eminus emissis crebrescunt vulnera telis.
Post haec res agitur gladiis, miserabile visu!
Nec mora nec requies², castellani meliores
Bello magnifice vulgus funduntque fugantque,
Vulnera multiplicant, iraeque^e satis faciebant.
Preterea stantes ad propugnacula castris,
Ne sine se vincant socii^f, certamina temptant.
- 110 Ferratos fustes alii mittunt super hostes,
Tormentis alii lapides, quidam^g baleari
Arcu dimissis hostes stravere sagittis.
Plebs devicta fugam facit, hostibus et miserandam.
Nanque^h cadunt plures, dum descendunt fugientes,
Intereuntque suis infixi corpora telis.
- cf. *Aen. IX*,
540.
- 115 Gens fera Saxonum, cur non capis hinc documentum?
Ecce patentⁱ plane cladis documenta futurae,
Nam vincunt primo pauci tua milia bello.
Sed cum servari non possint perniciei
- 120 Debita, tu surgis rursus nec victa quiescis.
Ergo palatinus comes³ e Saxonibus unus
Sex armatorum collectis milibus ipsum
Castrum circumdat bellicae moras redimebat,
Sperans expugnare fame, quos ense nequibat.
- cf. *Sal. Jug.*
c. 29.
- 125 Sed quae disposuit cum non procedere sensit,
Castellanorum primos per munera temptat,
Quae constant morum perversio magna bonorum.
His dum multa dedit furtim — sed plura spondit,

a) verticae 2; vertice 1. b) sic semper 1. 2. c) tent. 1 semper. d) conferri 1.
e) iraeque 2. f) sociis 1. g) alio atramento suppl. 1. h) sic 1. 2. i) aut
parent aut patent in 1 legi potest.

1) Ad hunc versum laudat Gundlach, 'Ein Dictator' p. 158, n. 4. pro-
verbium Othlonis, *Pez, Thes. III*, 2, col. 495:

Crimen avaritiae cito destruit optima quaeque.

2) Cf. *Aen. V*, 458: Nec mora nec requies. 3) *Fridericus*.

- Si tradant castrum —, mentes pervertit eorum,
 130 Ut facerent turpem^a pro munere deditioem.
 Cur tibi tanta fames auri fuit, impie miles?
 Auro vende fidem, forsán lucrabere mercem.
 Quod precium dederis tu quodque receperis, una
 Si pensare velis, tibimet furuisse¹ videris.
 135 Non lapides castrí tantum, non ligna dedisti;
 Vile capis precium, dans carius omnibus unum,
 Quo sine semper eges, quod habens ditissimus esses.
 Perfide sic certas miles, sic credita servas!
 At tibi dissimiles referent per tempora laudes
 140 Hi^b, quibus Arcipolis² fuerat commissa, trecenti^c,
 Quos merito longum virtus et fama per aevum
 Insignes faciunt, si quicquam carmina possunt³.
 Milia⁴ Saxones ex se bis dena legentes,
 Arcipolim circumveniunt, sua castraque ponunt,
 145 Arcem quo capiant armisve dolisve, retractant.
 Nunc castellanis fontes et pabula temptant
 Claudere, nunc dictis illos mulcere dolosis,
 Hic quoque confisi convincere^d viribus auri.
 Verum nunc talis labor est absumptus inanis,
 150 Nam via nulla dolis, nec prosperitas patet armis;
 Regius iste fidem miles non comparat auro.
 Quam sit in arma potens, iam gens Saxonica^e sensit.
 Hunc^f licet hostiles circundederint legiones,
 Non petitur, sed sponte^g petit tot milia fortis.
 155 Hinc equites lecti descendunt arce ducenti,
 Insignes animis, nitidi fulgentibus armis;
 In castris resides et nil hostile timentes
 Hostes invadunt et bellica signa canebant.
 Saxones subito stupefacti corda periculo
 160 Discurrunt, trepidant, consulto nil agitabant;
 Pars cecidit, pars arma capit, pars maxima fugit.
 Instant victores, oriturque miserrima caedes⁵;
 Castra cruore madent, mars sevit ubique cruentus.
 Sic devastatis castrorum partibus illis,
 165 Victores captas abigunt ad moenia predas.
 Sed victi luctum variantes clade suorum,
 Pars interfectos sepelit, pars membra levavit

1073.

cf. *Aen.* III,
57; *Ecl.* I, 70.
cf. *Aen.* VI,
621.

p. 1222.
cf. *ib.* V, 464.

cf. *ib.* VI, 861.
XII, 275.

cf. *ib.* X, 310.

cf. *ib.* V, 643.

cf. *Aen.* IX,
331 sq.; *Ge-*
org. I, 511.

a) tristem 1. b) Haec 2. c) trecentos 2. d) devincere 2. e) Saxonia 1.
f) Nunc 2. g) spontet 1.

1) Cf. *supra* p. 3, n. 1. 2) Harzburg. 3) Cf. *Aen.* IX, 444:
Si quid mea carmina possunt; cf. *infra* II, 193. 4) *Ad v.* 143—213.
cf. *Lamb.* p. 205; *Bruno* c. 29. 5) Cf. *Aen.* II, 411: oriturque
miserrima caedes.

1073.
cf. *Georg.*
IV, 438.
- 170 Saucia vivorum curas habitura suorum.
Corpora vix placidae^a componunt fessa quieti,
Cum descendentes e moenibus Arcipolenses
Irrumpunt iterum castris somnoque iacentes
Caedunt^b atque fugant, armis et equis spoliabant,
Circum castra sitas^c incendunt undique villas.
Sic decertabant, sic hostibus usque nocebant,
- 175 Obsessique suos obsessores numerosos
Tandem cogeabant, quod pacem sponte petebant.
Pax sed utrimque^d fide datur hac sub conditione,
Si pactum absentis firmaret gratia regis.
Abscedunt^e aliis quoque castris obsidiones.
- 180 Ocia reclusis agitantur, et undique portis
Ibant pacifice, quocunque placebat utrisque.
Sed brevibus spaciis durant haec commoda pacis,
Nec potuit veterem gens impia ponere fraudem.
Nam duo cum iuvenes descendunt Arcipolenses
- 185 Et nova Goslariae^f voluerunt arma parare,
Capti, nudati sunt, in cruce suntque levati¹.
Gens fera, sic servas pacem, quam tute petebas?
At, quod sperasti, non^g hec impune tulisti,
Nam tua pro geminis flevisi funera centum.
- cf. *A en*, *III*,
121.
- 190 Velox fama volat referens de pace soluta
Ad castellanos et turpi morte suorum.
Qui sperasse fidem Saxonum sero dolentes,
Consiliis agitant, mala qua^h mercede rependant.
Densosⁱ ergo viros mittebant, qui pecus omne
- 195 Goslariae^k campis abigant, praedam simulantes.
Quo facto, praedam properanter^l ad eripiendam
Goslaria^m currunt pariter iuvenesque senesque;
Sutores, fabri, pistores carnificesque
Militibus comites ibant in bella ruentes.
- p. 1223.
- cf. *II*, 143.
- 200 Vix extra villam pars agminis ultima venit,
Cunctaque per latos procedunt milia campos,
En castellani centum de valle latentis
Procurrunt equites mediosque feruntur in hostes².
Ut segetes grando maturas proterit olim,
- 205 Dispergunt, caedunt adversos confodiuntque,

a) placide 2. b) Cedunt 2. c) suas 1. d) utrunque 1. e) Adsendunt 1.
f) Gosslar. (sed v. 195. Gosl.) 1; Gossarie 2. g) nec 2; nec et emendavit Reuber.
h) malaque et m. rependant 1. i) Densos 1. k) Gossarie 2. l) sic emendavit Reuber; properantur 1. 2. m) Gosslaria (sed v. 195. Gosl.) 1; Gossaria 2.

1) *Iurgio exorto eos trucidatos esse narrat Lambertus.* 2) Cf. *Aen.* IX, 398 sq.: sese medios moriturus in hostes inferat; *II*, 511: fertur moriturus in hostes; *infra III*, 142.

- Colla metunt gladiis, madet undique terra cruore,
 Strataque tam latos texere cadavera campos.
 Saxonum reliqui, tam multa strage suorum
 Visa, scuta retro iacentes, terga dedere
 210 Atque caballorum fodiunt calcaribus armos^{a. 1.}
 Pars ad vicinam tendebat currere silvam,
 Pars fugit ad villam, memor uxorisque domusque;
 Victores instant, fugientes atque trucidant^{2.}
 Premia nunc sceleris, gens impia, ferre videris,
 215 Quae pro funeribus tibi sunt illata duobus.
 Quid modo? Num pacem malles servasse priorem^{b?}
 Est^c tibi dulce domum deferre cadavera centum?
 Certe maioris sunt haec tibi signa doloris,
 Quae posses plane, sis^d si bene sana, notare.
 220 Nam cum nec paucis numerosa resistere possis,
 Invictum contra regem potes arma levare?
 Cuius mira pari virtus caret^e atque carebit,
 Cuius militiae vix ultima signa tulisti.
 Sed scio, dissimilem sperans succedere finem
 225 Principiis, audes animo perstare^f superbo.
 Perge tibi poenas meritis^g cumulare futuras!
 Nondum vincla pati vel^h claustra satis meruisti.
 Dum sic dissolvunt conductumⁱ foedus utrique,
 Castellanorum virtus experta laborum
 230 Fortis in arma furit, per tempora nulla quievit,
 Hostibus usque nocens, sibi laudis nomen adaugens:
 Nunc terram vastant preda, nunc torre vel^k ense.
 Sic castellorum^l quoque custodes aliorum
 Fines Saxonum devastavere propinquos
 235 Quosque suis castris^m simul igni, caedeⁿ, rapinis
 Multimodis omnes, sed primitus Arcipolenses
 Certant magnificè pro^o domni regis honore.

1073.
cf. Aen. X,
 513. IX, 331
sq.

cf. Lucan. II,
 439.

INCIPIIT LIBER II.

Interea regis Germania laeta iubentis
 Imperiis acies ad praelia misit alacres³,

a) armo 1. b) deest 1. c) Et 2. d) si sis 2. e) cares 1. f) sic corr. Waitz; praestare 1. 2 (prest.). g) mentis 2. h) tibi corr. vel 1; et 2. i) edictum 1. k) et 2. l) castellarum 1. m) quaedam h. l. deesse sine causa censet Waitz. n) cede 2. o) domini pro Reuber.

1) *Cf. Aen. VI, 881: equi foderet calcaribus armos.* 2) *Idem versus infra III, 176. recurrit.* 3) *Mense Octobri ineunte exercitus in agro Hersfeldensis monasterii collectus est; Lamb. p. 199, qui quidem infra p. 202, ubi colloquium Gerstungense narrat, exercitus regii non mentionem facit, sed revera exercitum congregatum esse poeta procul dubio recte narrat.*

1073. Agmina Wangionum^a cum robore Poiariorum^b,
cf. III, 86. Suevos, Lotharios, equites ad bella valentes,
p. 1224. 5 His comitatus iter rex protendebat ad hostes.
cf. Aen. III, Eius¹ ut adventum gens audiit illa propinquum^c,
51; Lucan. Diffidens armis, spem quaerit in arte^d salutis.
II, 113. Mittit legatos ad regia castra decenos,
 Ut cunctis regni primis sua nuncia ferrent.
 10 Qui proficiscentes, ad castraque pervenientes,
 Primos militiae regis comitesque ducesque
cf. Aen. VI, Pontificesque pios compellant vocibus istis:
499. 'O provisos regni regisque fideles,
 Auxiliis vestris usi per prospera pacis,
 15 Haec et consilio vitare^e pericula vestro
 Sperant nostrates. Cui parent usque volentes,
 Adversus regem se deliquisse fatentur.
 Sed quocumque modo vos vultis sive iubetis,
 Utque placet regi, sunt haec purgare parati.
 20 Hanc igitur veniam prestate petentibus unam,
 Ut vos conveniant, rem vobis ordine pandant²;
 Et decernatis, quid vos sibi precipiat.
 Maiores nostrum, paucis tantum comitati,
 Huc prope castra fide vestra venire, manentes
 25 Vestrum consilium, vestrum super omnia iussum'.
 Ad quae primates respondent cuncta placere
 Haec mandata sibi, de colloquio simul illis
 Esse locum dandum, si rex permittere vellet.
 Et mox narrantes regi mandata, rogabant,
 30 Ut legatorum liceat sibi verba probare.
 Ipse doli nihil esse ratus, permiserat illis.
 Pontifices igitur, primi^f comitesque ducesque
 Conveniunt³ iuncti Saxonibus aequore campi⁴.
 Plurima Saxones de domno^g rege querentes,
 35 Nunc supradictas etiam meminere querelas,
 Qualiter impulsus cepissent^h talia niti;
 Compositisque dolis sic pervertere potentes
 Ex aequo, ceptum quoⁱ quisque probaret eorum,

a) Vang. 2. b) sic semper 1. 2; *Reuber et Gold. ubique Boiar. scripserunt.* c) proin-
 quum 2. d) arce 2; aut arce aut arte in 1 legi potest. e) vitari 2; iam emend.
Reuber. f) primique duces comitesque 2; *cf. II, 11.* g) alio atram. scr. 1.
 h) caep. 2; coep. 1. i) quod *Waitz; sed cf. Wattenbach, 'Heidelberg. Jahrb.'* 1871.
 p. 262.

1) Quae poeta v. 6—31. tradit multo differunt a narratione *Lamberti*
 p. 202. 2) *Cf. Aen. III, 179: remque ordine pando; VI, 723.*
 3) *Apud Gerstungen die Oct. 20; cf. Lamb. p. 202.* 4) *Cf. Aen. VII,*
 781: aequore campi.

- Astringantque fidem se regem commonituros, 1073.
 40 His ut ius patrium reddat, commissa remittat;
 Si nollet, se iusta petentibus haud nocituros.
 Sed quibus inducti^a primates artibus illi
 Genti consensum tunc prebuerint scelerosum,
 Hoc alias patefit, mihi vita salusque supersit¹.
 45 Nunc iuvat ire viam directo tramite ceptam.
 Principibus cunctis sic in contraria versis,
 Fortis rex, patria virtute nitens et avita, cf. Aen. X,
 Non sua fortunae subiecit colla superbae, 752.
 Maluit in^b paucis multorum victor haberi
 50 Quam cedens^c multis tanto caruisse triumpho².
 Quid tibi nunc veteris prodest^d sollertia fraudis,
 Effera Saxonum^e gens? Quae tibi commoda rerum p. 1225.
 Confert? Num scelerum poenas³ vitasse putabas?
 Rapta tene, securo sede, rape plura, licebit.
 55 Forsan decisis rex inclitus haesitat alis,
 Cum paucisque tuas formidat adire phalanges.
 Accipe, quas illi laudes hac fraude parasti,
 Per quam multorum pauci sumpsere triumphum,
 Qua sine paucorum cessisset^f gloria multis.
 60 An prestat multis multos, an vincere paucis?
 Paucos maiori levat haec victoria laude;
 Nam si sint plures, daret his divisa minorem.
 Tale vel^g omne bonum minus est in plura direptum^h.
 Collige iam, quid te contra reputando sequatur:
 65 Nam si victores extollit gloria paucos,
 Nonne ferent ignominiam victi numerosi?
 Hoc ratio probat, adversis adversa coherent.
 Qui fuerant illi tunc regia castra secutiⁱ,
 Non de principibus quos legit regia virtus,
 70 Primatum parit his virtus et nobilitatem:
 Pauci Francorum, pars plurima Poiariorum,
 E Suevis aliqui, numero, non robore pauci,
 Hi veteris fidei servabant pignora soli.

a) inducti 1. b) cum non recte Waitz; nihil mutandum est. c) caedens 1; cedens 2. d) proderit 1 (erit minus perspicue scriptum). e) nota mendum contra prosodiam. Cum auctor ubique Saxonum cum duobus longis pedibus posuerit, forsitan hoc quoque loco ut I, 116. III, 30. Gens fera Saxonum legendum est, quod et eo commendatur, ut syllaba caesurae extremae versus syllabae consona reddatur. f) cess. 2. g) emendavi; Tale tibi 1; Tale et 2. Cf. I, 227 (p. 7, n. h); posses etiam Taliter emendare. h) direptum 2. i) signum interrogationis h. l. habet 1.

1) Cf. Georg. III, 10: modo vita supersit; Lucan. V, 685: vita salusque.
 2) Poeta tacet regem post colloquium Gerstungense re infecta in Baioariam recessisse omnesque tristes eventus, qui ei a. 1073. exeunte contigerunt. Quod ut melius tegat, sequentibus multis verbis in Saxones invehitur.
 3) Cf. Aen. XI, 258: scelerum poenas.

1073. Protinus in patriam Saxonum nuncia mittens
 75 Rex super Arcipolin castellaque caetera mandat
 Militibus fidis, ne propter deficientes
 Ab se primates regni cunctentur in arma,
 Hostibus ut nunquam cedant^a, bene credita servent,
 Se cito venturum ferro sua castra solutum.
 80 Continuo regis castrenses iussa facessunt^{b.1},
 Hostibus obsistunt, castellis quaeque propinqua
 Vastantes igni, praeda vel^c caede cruenta².
 Postquam Saxones ex principibus redeuntes
 Excussisse sibi sperabant regia freno,
 85 Castellis aliquam tractant obtendere technam;
 Resque monebat eos, clades non parva suorum.
 Caetera maiori circundant obsidione,
 Arcipolin autem temptare per obsidionem
 Nullus presumpsit, casus memorando priores.
 cf. Aen. I, 657. 90 Ergo dolos artesque novas expromere quaerunt^d;
 Immenso monti, qui proximus imminet urbi³,
 Castellum superaedificant, mirabile dictu!
 Altis ilicibus tantum resecando quadratis,
 Presidium patriae, vigili tutamen^e ab hoste.
 95 Illuc imponunt armatos mille ducentos,
 Qui despectarent, hostes quodcumque pararent,
 Ne quis possit^f eis deferre cibaria; vel^g si
 p. 1226. Unquam descendant praedas^h ad diripiendas,
 Descendant ut et hiiⁱ, concurrant^k hostibus hostes.
 100 Et castellanis furtim stipendia si quis
 Attulit, aut caecant, suspendunt sive trucidant.
 Utraque iam resident adversis agmina castris,
 cf. ib. VI, 478. Hinc maior numerus, hinc bello^l clara iuventus.
 Hostibus ut noceant, vigiles speculantur utrique,
 105 Nec ponunt fessi nocturnae membra quieti.
 Nostri maiores bello numeroque minores
 Saxonum turbam multo certamine temptant:
 Nunc arcus^m celeres, nunc contorsere balistas,
 Hostibus adversis transfigunt pectora telis,
 110 Nunc illis igni corrumpunt moeniaⁿ castris,

a) caedant 1; cedant 2. b) lacessunt 1. c) et 2; praedaque et *correxerit Reuber*.
 d) quaerit 2. e) tutamus 2; *Reuber iam emendavit ut 1 habet*. f) posset 2.
 g) et 2. h) ad pr. 2. i) sic 2; hi 1. k) concurrent 2; *Reuber correxit ut 1 habet*.
 l) belli 1. m) arcem 1. n) maenia 2.

1) Cf. Aen. IV, 295: iussa facessunt. 2) Cf. ib. I, 471: vastabat caede cruentus.
 3) *Harzburgensi. Bruno c. 29. eadem narrat quae poeta v. 83—114. habet; brevius earundem rerum Lamb. p. 205, l. 40 sqq. mentionem fecit. — Cf. Aen. I, 419 sq.: collem qui plurimus urbi imminet.*

- Ediles¹ ipsos perimebant aut capiebant; 1073.
 Sepeque perplures victu rhedas oneratas
 Hostibus allatas rapiunt violenter et ipsos
 Vectores^a capiunt, caedunt funduntque fugantque. *cf. I, 106.*
 115 Sic inter sese belli certamina miscent *cf. Aen. XII,*
 Illi, cum fortis rex agmina lecta suorum 720.
 Cogens, adversos cursum tendebat in hostes. 1074.
 Regius en campis miles procedit apertis² *cf. ib. XII,*
 Paucus, at ingenti virtutum laude probatus, 917.
 120 Nec minus induviis^b belli quam fulgidus armis.
 Loricae galeaeque tegunt fortissima cunctae
 Corpora militiae; scutis impicta gerebant
 Fortia facta patrum³, quo talia visa virorum
 Incendant animos solius laudis avaros⁴.
 125 Velox fama volat Saxonum nuncia genti,
 Regem venturum ferro sua castra solutum, *cf. I, 190.*
 Instructas^c totis acies incedere^d campis⁵. *cf. II, 79.*
 Nec^e mora, tam raras speculantur regis ut alas,
 Confisi numero, statuunt decernere ferro. *cf. Aen. XI,*
 130 Denique per patriam mittebant nuncia totam, 218.
 Cunctus ut ad bellum populus properaret agendum.
 Indiscreta ruunt e cunctis agmina villis;
 Rusticus abiecto quivis discedit aratro
 Et studio belli studium postponit^f arandi.
 135 Pastores⁶ pecorum, custodes atque domorum
 Preposuere suis pugnae discrimina curis.
 Capta peregrinis mercator munera terris
 Negligit, in bellumque ruit, securus ad horam, *cf. ib. IX, 180.*
 Accedat quantum summae quantumve recedat;
 140 Omnis conditio bellum cupit, omnis et^g ordo.
 Maxima pars pedes ivit, equis pars fertur in altis⁷,
 Armati variis, sibi quae sors obtulit, armis.
 Tales militibus comites in bella ruebant⁸
 Ignari, se quam crudelia fata sequantur,

a) Victores 1. b) indumis 2; induciis *Reuber*. c) Instructis 2. d) incendere 2;
Reuber correxit ut 1 habet. e) Naec 2; Nec 1. f) praeponit 1. g) deest 2;
supplevit Reuber.

1) *i. q. custodes, vigiles.* 2) *Cf. Aen. IX, 25: Iamque omnis campis exercitus ibat apertis.* 3) *Cf. de hoc loco Waitz, Carmen p. 15 sq., qui affert Verg. Aen. I, 640 sq.: caelataque in auro fortia facta patrum.* 4) *Cf. Horat. Ep. II, 3, 324: praeter laudem nullius avaris.* 5) *Rex a. 1074, Ian. 27. cum exercitu Hersfeld venit, ut contra Saxones proficisceretur; Lamb. p. 207.* 6) *V. 135. 136. 138. 139. infra III, 110. 111. 113. 114. repetiti sunt.* 7) *Cf. Aen. VII, 624 sq.: pars pedes ire parat campis, pars arduus altis . . . equis furit.* 8) *Cf. Aen. IX, 180: in bella ruebant; cf. supra I, 199.*

1074. 145 Infaustique suas ausi dimittere curas.
 p. 1227. Ergo fremens^a campis exercitus ibat apertis¹,
 Cum glacialis hiems cursus frenarat aquarum²,
 Undaque, navigiis prius, est^b modo pervia plaustris³.
 In stabulis armenta, ferae silvisque rigeabant;
- 150 Multa metallorum pre frigore dissiluerunt,
 Nec^c minus et pluvias venti spirant hiemales⁴.
 Talis tempestas Saxonum contigit alas,
 Ex quibus intereunt miserando funere multi.
 Nam vulgus peditum gradiens per devia fessum,
- 155 Dum sedet in campis requiem quaerendo^d laboris,
 cf. Aen. XII, 905. Frigore concresecunt sudore madentia membra.
 Corpora multa gelu nocturno diriguere
 In silvis, hinc igne, sed hinc corrupta pruinis.
 Ast equites arti carpentes pervia callis
- 160 A tergo insequitur vis maxima turbinis atri^{e, 5}.
 Excussosque^f via cumulo nivis abdidit altae.
 Hic nec sessor equum iuvat, aut iuvat ille sedentem.
 Saxonum multi ceciderunt funere tali.
 Caetera de tantis pars conservata periculis,
- 165 Regis ut instructas videt adventare cohortes,
 cf. 1. Macc. 6, 39. Sol et in auratas galeas clipeosque refulsit,
 Cernit et erectis acies incedere^g signis,
 Horribili stupet aspectu; furit igneus ardor
 Consumens villas in circuitu numerosas.
- 170 Procurrunt equites ex agmine regis alacres,
 Exultantque suis flectentes colla caballis,
 Alternos ineunt discursus^h atque recursus⁶,
 Versuras celeres duplicantque decenter equestres
- cf. Aen. XI, 254. 175 Ac desiderio pugnandi bella lacessunt.
 cf. ib. IX, 420. Nec predicta viris nocuerunt frigora tantis⁷,
 Nam sanguis calidusⁱ fuit his et bellica virtus.
 Talia Saxones irritamenta videntes,

a) *infra* III, 92, ubi idem versus recurrit, frequens. b) et 1. c) Naec 2; Nec 1.
 d) quer. 2. e) atrae 1. f) Excussosque 1. g) accedere 2. h) discursos
 a. recursos 1. i) callidus 1.

1) Cf. *supra* II, 118. et p. 11, n. 2. 2) Cf. Aen. III, 285: Et glacialis hiems; Georg. IV, 135 sq.: Et cum tristis hiems . . . glacie cursus frenaret aquarum. 3) Cf. Georg. III, 361—363: undaque . . . puppibus illa prius, patulis nunc hospita plaustris, aeraque dissiliunt volgo vestesque rigescunt; *ib.* 352: clausa tenent stabulis armenta. 4) Cf. Lamb. p. 207: Frigus erat validissimum, et hiberna siccitate arebant omnia etc., cum rex Hersfeld venisset. 5) Cf. Aen. X, 603: turbinis atri. 6) Cf. Aen. V, 583 sq.: inde alios ineunt cursus aliosque recursos adversi spatii alternosque orbibus orbes. 7) Regis exercitus propter frigus annonae inopiam passus est, ut Lamb. refert.

- Quid faciant? quid agant? qua vi certamina temptent? 1074.
 Languida vix tanto motabant frigore membra.
- 180 Armis¹ exuti, demissi colla superba
 Nudatique pedes pariter cum supplice voto
 Regis castra petunt, cui se sua cunctaque dedunt².
 Carmine quo tanti laudes celebrabo triumpho,
 Tempore de Karoli^a qualis non contigit ulli?
- 185 Virtus celsa dedit hic^b quod natura negavit,
 Quae sic in cunctis vires animantibus aequas
 Destinat esse suas, ut maior turba minori
 Eiusdem generis certamine prestat in omni³.
 Vix modo victores devictos addecimabant^c,
- 190 Milia sex vincunt, decies tot victa fuere.
 Participes tanti felices^d usque triumpho,
 Virtus vestra^e feret decus immortale per aevum
 Pro tantis meritis, si quid mea carmina possunt⁴.
 Nec mihi quis dicat: 'Non haec victoria praestat,
- 195 Non sunt victores tam multa laude notandi,
 Qui non pertulerant ullum vincendo laborem,
 Non hostes iugulant nec terram^f caede cruentant'.
 Concertare valens num quisquam supplicat hosti?
 Num fidens armis spem quaerit ab hoste salutis?
- 200 Tanto maiorem fert haec victoria laudem,
 Quanto maior erat honor hostibus imperitare
 Vivis quam gladiis vel^g quavis caede peremptis.
 Rex igitur, facta Saxonum deditioe,
 Supplicibus mitis, contrarius atque superbis,
- 205 More leonino, substratis hostibus, iram
 Iustam deposuit commissaque cuncta remisit.
 Ibat per patriam rex invictissimus illam,
 Incorrecta regens, leges et iura reponens,
 Restituens cunctis sua dudum despoliatis.
- 210 Hinc propriam sedem tendens ad Goslariensem^{h.5},
 Saxonum genti dat patria iura petenti,

cf. Aen. VIII,
61.

cf. III, 252.

p. 1228.

cf. Lucan. II,
113; supra
II, 7.

a) Car. 1. b) huic Reuber. c) vox alio atramento inserta 1. d) foel. 1. 2.
 e) nostra 2, quod Waitz recepit. f) deest, spatio vacuo relicto 1. g) et 2. h) Gossar. 2.

1) V. 180 sq. infra III, 284 sq. recurrunt. 2) Die Febr. 2. pactum ictum est, et principes Saxonum ad regem venerunt. Quam adulatorie in favorem regis poeta de hoc pacto retulerit, ad quod accipiendum rex invitatus a principibus coactus esse a Lamberto dicitur, cunctis patet.
 3) Saxonum exercitum regis copiis multo maiorem numero fuisse etiam Bruno c. 31, qui eum duplo maiorem dicit, et Lamb. p. 207. tradunt.
 4) Cf. Aen. IX, 444: si quid mea carmina possunt; cf. supra I, 142.
 5) Mense Februario ineunte.

1074. Per totam patriam pacis^a iubet esse quietem,
Iusto iudicio causas componit et aequo.
Hic quoque militiam donat bene munere dignam:
- 215 Ad se custodes castrorum convocat omnes,
Castraque reclusis iubet esse patentia portis¹.
Primitus insignes donavit et Arcipolenses
Muneribus meritis, auri dat pondera puri,
Ingentesque viros extollit honoribus amplis;
- 220 Virtutem laudat, bene gestaque praelia iactat.
Nanque^b solet virtus hominum committere maius,
cf. Aen. IV,
109. Acrius atque calet^c, si laus sua facta sequatur.
Sic castellorum quoque presidiiis aliorum
Munera condigne^d dat pro quorumque^e labore.
- 225 Sic ibi dispositis rebus, pacemque fideli
Mente gerens factisque probans, se transtulit inde².

LIBER III.

- At gens exitio dudum devota futuro³,
Ut fuerat solitae concessa licentia praedae,
cf. ib. IV, 501
sq. Concipit immanem diro^f sub corde furorem
Et ruit effrenis, quo se tulit impetus amens⁴.
- 5 Fana profana simul miscet, fas discidit omne
Criminibusque novis dissignat foedera pacis.
Praesidiis vacuum, placida iam pace quietam⁵
Arcipolin armis invadunt milia gentis,
p. 1229. Moenia despoliant, aeraria regia frangunt,
- 10 Thesauros cultusque^g novos auroque rigentes⁶,
Aurea vasa, ciphos, lances, insignia regni
Plurima diripiunt, incendunt moenia flammis,
Adversusque Deum^h vertentes arma furoris,
Ecclesiam invadunt, avellunt aurea mensis
- 15 Ornamenta sacris, tabulas capsasque rescindunt
Atque sacerdotes sua munia iam celebrantes,
cf. Aen. V,
685. Vestibus abscissisⁱ, audent obtundere^k pugnibus
Auratasque cruces manibus lacerare cruentis

a) bis scriptum 1. b) Namque 2. c) calcet 1. d) condigna corrigendum censet Waitz p. 8, sed hic poeta syllabam brevem penthemimeris nusquam longam usurpat, et syllaba extrema consona (labore) obstat. e) quocumque correxit Reuber, quod et Waitz coniecit, sed lectionem veram rectamque esse censeo. f) dire 1. g) cultosque 1. h) ducem 1. i) abscisis 1. k) obtundere, corr. obtondere 1.

1) Ut castella regis destruerentur, conditio pacis a Saxonibus statuta est. 2) Wormatiam mense Martio. 3) Cf. Aen. I, 712: pesti devota futurae. 4) Cf. Lucan. IV, 279: impetus amens. 5) Cf. Aen. I, 249: placida compositus pace quiescit. 6) Cf. Aen. XI, 72: auroque ostroque rigentis.

- Et defunctorum violare sepulchra, reiectis
 20 Ossibus; intactum nullum liquere¹ furorem,
 Flammarumque globos iactant ad culmina templi²;
 Venti dant vires flammis, furit aestus ad auras³,
 Aequaturque solo regalis machina tota.
 Sic aliis castris, custode carentibus, igni
 25 Incensis, plures ornatibus expoliatas^a
 Ecclesias etiam corrumpunt ignibus atris.
 Multas regales devastant undique curtes;
 Pupillis, viduis violenter dilaceratis,
 Multiplicant praedas, confundunt fasque nefasque.
 30 Gens fera Saxonum, factrix memoranda malorum,
 Est haec deditio tua? Sunt haec foedera pacis
 Conductae? Tales volvisti pectore fraudes?
 Quis tua non stupeat crudelia facta fidelis?
 Fraudis vel scelerum venient tibi digna tuorum
 35 Premia. Perge modo, rape, destrue, distrahe cuncta!
 Non divina fides, te^b non humana reflectat.
 Facti fama volat⁴, totum regnumque replebat.
 Cuncti Saxonum crudelia sacrilegorum
 Facta stupent artesque novas pollutaque pacis
 40 Foedera. Primates propriis se vocibus ultro
 Incusant gentem prius hanc audisse nefandam
 Fallentemque dolis et regia iura negantem.
 Detestatur^c eos simul omnis sexus et aetas.
 Nec mora⁵, percepto rex magnus crimine tanto,
 45 Egregia pietate nitens, fortissimus armis⁶,
 Zelo^d iustitiae flammato pectore fervet,
 Adversum tantos praesumptus colligit iras;
 Ignescunt animi iusto sub corde feroces;
 Non sua iam, sed iura Dei violata dolebat.
 50 Imperat exciri totius robora regni
 Armavitque acies, acer ruiturus in hostes.
 Regis ad edictum^e cuncti se in bella parabant,
 Aequae maiores, aequae studuere minores⁷.

1074.

cf. *Aen. XI*,
186; *infra*
III, 234.cf. *Aen. I*,
401.cf. *ib. IX*, 65.

1075.

a) expoliatis 1. b) non te 1. c) Detestantur Reuber. d) sic 2; Zelo 1.
 e) sic 1; aed. 2.

1) Cf. *Hor. Carm. I*, 35, 35. 36: quid intactum nefasti liquimus.
 2) Cf. *Verg. Georg. I*, 473: Flammarumque globos; *Aen. II*, 478: flammis ad culmina iactant. 3) Cf. *Aen. II*, 758 sq.: ignis edax summa ad fastigia vento volvitur, exuperant flammae, furit aestus ad auras. 4) *Nasonis arg. Aeneidis IV*, 5, *Ribbeck, Prol. ad Verg. p.* 372: Facti fama volat. 5) *Castro Harzburg a.* 1074, *Mart. destructo, exercitus contra Saxones demum a.* 1075, *Iun. coactus est.*
 6) Cf. *Aen. VI*, 403: pietate insignis et armis. 7) *Idem fere versus supra I*, 63.

1075. Arma novant, animos acuunt, docuere caballos
 55 Currentes facili cervice reflectere cursus,
 Horrificos belli non exhorreere tumultus.
 p. 1230. Primus init bellum¹, cogens in praelia secum
 Suevos unanimes^a, dux fortis in arma Rodolfus^b,
 Quos prius expertos Saxonica bella celebrat
 60 Gloria quaesiti Carolo sub rege triumphi².
 Hic et in arma rapit secum quos patria misit
 Curia, mille manus Ararim Rodanumque bibentes³.
 cf. *Ecl. I*, 62;
Lucan. VI,
 475 sq.
 Hos Romanorum sequitur de gente vetusta⁴
 Dux Catulus⁵ nomen referens moresque genusque.
 65 Signa ducis sequitur gens inclita Poiariorum,
 Quam totiens domitis celebrat victoria Parthis⁶
 Et nunquam violata fides bellisque probata
 Virtus Poiemicis^c multisque superba triumphis.
 Necnon Wangiones^d ibant in praelia fortes,
 70 Gens antiqua, potens armis et munere terrae⁷,
 Regia signa sequi bello quae gaudet in omni
 Solaque regales servat per praelia fasces⁸;
 Nunc quoque signa sui sequitur fulgentia regis,
 Agmine multiplici cingens insignia regni.
 75 Rex cunctas acies excellens vertice celso
 Alto fertur equo, mediis in milibus extans;
 Arma nitent aurata nitentibus addita membris,
 Emicat e cunctis rutilans ut lucifer astris.
 cf. *Aen. XI*,
 678.

a) unanimes 2. b) Rhodolfus 1; Rudolphus 2. c) poiemicis (aut polenicis) 1;
 Boiem. semper Reuber, Goldast. d) vang. 2.

1) *Iun.* 8; cf. *Lamb.* p. 223. 226. — Cf. *Aen. VII*, 647: Primus init bellum. 2) De hoc iure vide quae affert Waitz, 'D. VG.' VIII, p. 181, n. 4; *Carmen* p. 18. 3) Burgundiones. Rudolfo enim cum ducatu Sueviae a. 1057, etiam Burgundia regenda commissa est. 4) Cf. *Aen. IX*, 282: Priami de gente vetusta. 5) Welfo IV. dux Bavariae, filius Azonis II. marchionis Estensis. Primus Otloh in Vita Altonis c. 10, supra p. 844, nomen Catuli habet. — *Geneal. Welf.* c. 5, SS. XIII, p. 734, circa a. 1126. scripta, hoc nomen a Romano nobilissimo Catilina in hanc prosapiam sanguinis descendisse dicit. Cf. *Hist. Welf. Weing.* c. 2, SS. XXI, p. 458. 6) Ungaros dicit; cf. duos locos saec. X. allatos ab E. Dümmler, 'Ostfränk. Reich' ed. 2. III, p. 450, n. 3, ubi Ungari Parthi dicuntur. 7) Cf. *Aen. I*, 531: Terra antiqua, potens armis atque ubere glaebae. 8) Cf. Waitz, *Carmen* p. 19 sq. In diplomate Heinrici IV. Wormatiensibus a. 1074, *Iun.* 18. dato (St. 2770) haec leguntur: Sint igitur servitii remuneratione primi, qui in servitii devotione exstiterunt non novissimi; sint omnibus exemplo in debita servitii responsione, qui omnibus praestant in servata fidei religione; cf. Gundlach, 'Dictator' p. 164.

- Post hos^a insignis dux¹ agmen agit Gotefridus^b,
 80 Corda^c gerens patris², quamvis sit corpore dispar³,
 Consuetas iuvenum ducens ad bella phalanges,
 Ripheas habitant urbes Thilen Nimagumque^d,
 Extremos regni fines, ubi bella moventur
 Semper, et hostili crudescit sanguine terra⁴.
 85 Tum dux⁵ Lotharios Tiedricus cogit in arma,
 Dux insignis eques in equestria bella valentes
 Turmas educens, armis animisque vigentes.
 Et Westvalorum^e, Fresonum, Poiemiorum
 Exhibant acies accitu regis alacres,
 90 Milia multa nimis decorata nitentibus armis.
 His comitatus iter rex ultor tendit in hostes.
 Ergo frequens campis exercitus ibat apertis⁶;
 Tellus cornipedum cursu pulsatur equorum⁷.
 Talia Saxones ex fama percipientes,
 95 Absumpti figmenta prius fraudesque dolosque,
 Coguntur tandem nunc se defendere bello.
 Emittunt equites strictis mucronibus⁸ acres
 Per totam patriam vulgi concire catervas
 Omnes ad bellum, seque et sua quemque tuendum.
 100 Concita plebs rerum mox ardet amore novarum.
 Omnes agricolae, fractis agrestibus armis,
 Arma parant belli durisque ligonibus enses
 Conflant ancipites⁹ curvis e falcibus, hastis
 Spicula praefigunt¹⁰. Pars aptat scuta sinistris
 105 Levia, pars ferro galeas imitatur equestres,
 Pars triplici philtro; fustes ad praelia quernos
 Milia multa parant, plumbo ferroque gravabant.
 Mille modis acies ad bella^f armantur agrestes.
 Squalent^g arva suis cultoribus expoliata¹¹.
 110 Pastores¹² pecorum, custodes atque domorum
 Preposuere suis belli discrimina curis.

1075.

cf. *Georg. I.*
240.cf. *II, 4.*cf. *II, 5.*
cf. *Aen. IX,*
25.

p. 1231.

cf. *Aen. IV,*
290.cf. *ib. IX, 11.*

a) hoc 1. b) Gotfridus 1. c) Corde 1 ? d) Numag. corr. Nimag. 1. e) Vuest-
 ualuorum 2. f) bellum 2. g) Squalent 1.

1) *III. Lotharingiae inferioris.* — Cf. *Aen. VII, 655*: Post hos insignem; *XII, 457*: agmen agit. 2) *Gotefridi II. ducis.* 3) *Fuit enim gibbosus.* 4) Cf. *Aen. VII, 788*: crudescunt sanguine pugnae; cf. *infra v. 153.* 5) *Lotharingiae superioris.* 6) *Idem versus iam supra II, 146.* 7) Cf. *Aen. VI, 591*: cornipedum pulsu simularet equorum. 8) Cf. *ib. II, 449*: strictis mucronibus. 9) Cf. *Lucan. IV, 294*: durisque ligonibus. — *Georg. I, 508*: curvae rigidum falces conflantur in ensem. 10) Cf. *Aen. IX, 463 sq.*: in hastis praefigunt capita. 11) Cf. *Georg. I, 507*: squalent abductis arva colonis. 12) *V. 110. 111. 113. 114. iam supra II, 135—139.*

1075. Quisque frequens curas convertit^a ad arma redemptor¹,
 Concitus in bellumque ruit, securus ad horam,
 Accedat quantum summae quantumve recedat.
- cf. I, 201. 115 Ergo tegunt latos passim tot milia campos,
 207. Quot vel^b pontus agit fluctus vel^b messis aristas.
 cf. Aen. IX, Nec minus assuetae bellis armisque phalanges
 199. Indocili turbac^c dictant^d discrimina pugnae
 Irritantque rudes verbis ad praelia mentes:
- 120 Quam sit turpe iugum servile pati dominorum
 Ingenuos, quantumque mori sibi praestet in armis.
 His aliisque^e modis accensum pectora vulgus
 Indomitum specie belli preludit agendi,
 Per virgas discens subducere corpus ab ictu,
- 125 Et iuvat armorum sonitus clangorque tubarum²;
 Sic ruit exitii gens inconsulta futuri³.
 Nec mora⁴, iam cunctae transportantur vada turmae^f
 Fluminis Unstardi⁵, qui cladem nomine genti
 Iam praesignasset⁶, si non tardanda fuisset.
- 130 Ecce vident nigras glomerari pulvere nubes
 Et magis atque magis tenebras insurgere campis⁷.
 Paulum progressi longe splendescere cernunt
 Aeratas acies⁸ erectaque signa volare.
 Quid faciant? Iam nulla doli figmenta patebant,
- 135 Nec transire fuga poterant vada fluminis alti.
 Ergo manu conferre parant cunctasque phalanges
 cf. ib. I, 395. Sacrilegas bello disponunt ordine longo⁹.
 Regius instructis processit suaviter alis
 Miles et adversos iamiam properabat^g in hostes.
- 140 Suevi, Poiarii, qui regis in agmine^h primi
 p. 1232. Extant, quos celebrat numerosis fama triumphis,
 cf. I, 203. Praecurruntⁱ celeres primique feruntur ad hostes.

a) cum vertit 2. c) et 2. c) deest 1, signo posito, quod indicat vocem quandam deesse. d) pugnae discr. dictant 1; syllabae caesurae et extrema consonae indicant 2 veram lectionem praebere. e) que deest 1. f) termac 2; Reuber corr. ut 1 habet. g) propiabat 1. h) regis imagine 1. i) Percurrunt 1.

1) Cf. Horat. Carm. III, 1, 34 sq.: Huc frequens caementa demittit redemptor. 2) Cf. Aen. VII, 628: signaque ferre iuvat sonitusque audire tubarum; ibid. II, 313. XI, 192: clangorque tubarum. 3) Lucan. I, 498: turba . . . inconsulta ruit. 4) Prope Homburg ad fl. Unstrut die Iun. 9. proelium commissum est. 5) Unstrut. Hoc loco et infra v. 188. poeta verba Unstardus et tardare coniungit. 6) Waitz, Carmen p. 12. optime censet poetam vocem unstate (damnum) in mente habuisse. 7) Cf. Aen. IX, 32 sq.: hic subitam nigro glomerari pulvere nubem prospiciunt Teuceri ac tenebras insurgere campis; II, 299: et magis atque magis. 8) Cf. ib. IX, 461: aeratasque acies. 9) Poeta tacet, quod Lambertus, Bruno, Bertholdus referunt, Saxones improvidos adventu exercitus regis occupatos esse.

- Hastas decurtant et certis corpora signis
 Scutaque discreti densos rapiuntur in hostes.
 145 Bellicus exoritur magno certamine clamor;
 Irrumpunt telis^a, quae confertissima stipant
 Agmina Saxonum, deiectant undique leto^b
 Corpora, maturas ceu falx succidit aristas¹.
 Ense metunt capitum segetes, miserabile visu!
 150 Ense parant medios iter, est^c quacunque, per hostes.
 Non tegit indutos artus lorica fidelis²,
 Nec caput auratae galeae, moriuntur ubique.
 Strata cadaveribus crudescit sanguine tellus;
 Ingruit armorum sonitus clamorque cadentum.
 155 Ancipites gladii numerosa clade^d calescunt,
 Seminecesque viris permixti sanguine multo
 Provolvuntur equi, traiectione pectora ferro³.
 Horrificus belli crebrescit ubique tumultus,
 Saepeque Saxones immensa caede cadentes
 160 Audent obniti, ne sic moriantur inulti,
 Victoresque suos vario certamine temptant;
 Accipiunt redduntque ictus; mars saevit utrimque.
 Hic pedibus calcans sua viscera currit in hostem,
 Ille trahens proprio gelidum de corpore ferrum,
 165 Interfectorem moriens interficit hostem.
 Utraque sic odiis certabant agmina diris,
 Cum fortis subito rex irruit agmine denso⁴
 In medios hostes, proculcans obvia quaeque
 Agmina Saxonum cunctantia sacrilegorum.
 170 Fulminat egregiis rex ipse coruscus in armis⁵,
 Plurima consternens periurae milia gentis⁶.
 Nec mora, ceu tenuis ventorum flamine pulvis
 Diffugit, a facie regis sic agmen et omne:
 Scutis dorsa tegunt, volucris cursuque recedunt.
 175 In spe nulla salus, ruit inrevocabile vulgus⁷.
 Victores instant, fugientes atque trucidant⁸.
 Et nisi iam caelum densatae pulvere nubes

1075.

cf. Aen. VII,
 788; supra
 III, 84

cf. I, 163.
 cf. Ovid. Met.
 XII, 390 sq.

cf. Lucan. IV,
 767 sq.

a) telis h. l. 2. b) laeto 1; loeto 2. c) nescio an et emendandum sit. d) cede 2.

1) Cf. Georg. I, 348: falcem maturis quisquam supponat aristis. 2) Cf. Aen. IX, 704: lorica fidelis. 3) Cf. ib. IX, 453: seminecisque viros; XI, 633—635: sanguine in alto armaque corporaque et permixti caede virorum semianimes volvuntur equi; I, 355: traiectione pectora ferro. 4) Cf. Aen. II, 450. XII, 642: agmine denso. 5) Cf. ib. XII, 654: Fulminat Aeneas armis. 6) Sane poeta fortitudinem regis in hoc proelio probatam in maius extulit; quod non mirum est. 7) Haec Lucani I, 509. verba ruit inrevocabile vulgus etiam Vita Heinrici c. 11. occurrunt. 8) Idem versus iam supra I, 213.

1075. Texissent visusque sequentum detinuissent,
Ultimus ille dies genti luxisset iniquae¹.
- 180 Sed tamen in caecis multi cecidere tenebris,
Corpora perfossi telis gladiisque secati.
Milia multa cadunt hostili vulnere nullo
Tacta, sed in fluido^a collapsi membra cruore²
Cornipedum pedibus mox inculcantur equorum.
- 185 Mortis mille modis moriuntur milia gentis.
Sic et ad Unstardi veniunt vada fluminis alti^b.
p. 1233. Quid faciant? Quos a tergo ferit hosticus ensis,
Altus ab adverso Unstardus tardabat abire.
Decernunt dubiam magis attemptare salutem
- cf. Aen. II, 190 In fluvio quam non dubiae succumbere morti;
359. Insiluere vadis inconsulti malefidis.
Hostis eos ferro^c retro premit, imminet, urget;
Involvuntur aquis certatim saucia sanis
- cf. ib. IX, 666. Corpora mixta fere^d quot densa grandine guttae;
195 Milia multa nimis sic interiere sub undis.
Caeruleum iam purpureo mutata colorem
Defluit unda rubens; humana cadavera pontes^e
Nostris praebebant transire volentibus ultra.
Sic transportatus cum turmis dux Gotefridus³
- 200 Hostes ex undis servatos irruit armis,
Fervidus innumeras prostravit et ipse catervas,
Circumquaque premit fugientes atque peremit.
Usque furit gladius confundens stragis acervos⁴.
- cf. ib. I, 374. XII, 109. 205 Poiemii, castris Saxonum despoliatis,
Vestibus occisos nudant truncantque iacentes,
Plurima diripiunt carpenta ferentia victum
Atque suis multas castris traxere rapinas.
Saxea gens, nunc digna tuis cape praemia factis!
- 210 Sic bene quesisti^f, quae patria iura petisti!
Ius certe quodcumque feres et conditionem,
cf. Lucan. I, 3. Amplius ex dextrae^g victricis munere pendet.
Rex vespertinus victor de caede reversus,
Imperat exquiri, quae saucia, quaeve suorum

a) fluvido 2. b) atrī 2; sed cf. v. 135. 187. c) r. f. 2. d) feno 1. e) pon-
tem 2. f) quaes. 1. g) detrg 2.

1) Cf. Aen. IX, 756: Ultimus ille dies bello gentique fuisset. 2) Cf.
ib. III, 663: fluidum . . . cruorem; IV, 391: conlapsaque membra.
3) Lamb. p. 227. scribit exercitum regium non ultra fluvium fugientes
hostes persecutum esse. Sed vera poeta hoc loco tradere videtur; quae
et Bertholdi narratione quodammodo confirmantur. 4) Cf. Aen. VI,
504: confusae stragis acervum; XI, 384.

- 215 Corpora per campos iaceant occisa cruentos, 1075.
 Saucia committi medicis, defuncta sepulchris¹.
 Postera cum primum^a stellas lux alma fugarat^{b.2},
 Agmina militiae iubet ad se cuncta vocare^c,
 Ipse dehinc medius consurgens, talia fatur:
- 220 'Virtus vestra meum quanti perpendat honorem
 Ac decus imperii, declarant bella peracta;
 Mecum vos animas in aperta pericula vestras
 Misistis³, gentem domuistis in arma ferocem. *cf. Lucan. IV,*
 Nec dubitata mihi fuit haec victoria belli, 146 sq.
- 225 Dum me vestra comes virtus sequeretur in arma, *cf. ib. II, 287.*
 Qua comitatus ego securus in omnia vado.
 Maximus en vobis labor est pugnando peractus;
 Nunc agitate fugae versos, componite bellum!
 Illorum fines invadite depopulantes, *cf. Georg. IV,*
 230 Ut commissa luant, qui iura Dei violabant. 45 t.
- Nec fuga salvet eos, bello quos arma nequibant'.
 Vix ea dicta dabat, simul omnes signa levabant,
 Acriter hostiles invadunt undique fines.
 Vastatas praedis villas dant ignibus atris⁴,
- 235 Consumptor furit immissis vulcanus habenis⁵. *p. 1234.*
 Sic rex per patriam deducens agmina totam,
 Cuncta timore domat, vi castraque cepit^d et urbes,
 Ecclesias Christi tantum defendit ab igni.
 Poiemii variant praedas rapiuntque trahuntque;
- 240 Hi pecus e stabulis abigunt ardentibus, illi
 Multis plaustra onerant spoliis ex igne receptis.
 Hi monstrant fossas loca per secreta repertas,
 In lucemque trahunt argenti pondus et auri⁶
 Defossi, pulchras vestes, insignia multa;
- 245 Ast alii, latebris silvestribus arte repertis,
 Pluribus extractis^e gaudent ditescere praedis;
 Vis et odora canum⁷ nonnullis commoda rerum
 Monstrat in obscuris penitus defossa cavernis. *cf. Aen. X,*
 526.

a) sic 2; primo stellas *Verg. l. l.*; stellas primum 1. b) sic 2. *Verg. l. l.*; fugavit 1. c) vocari *Gold.* d) sic 2; cepit 1. e) exactis 1.

1) *Sequenti demum die hoc factum esse refert Lamb.; vide etiam Bruno c. 47.* 2) *Iun. 10.* — *Cf. Aen. V, 42 sq.*: Postera cum primo stellas oriente fugarat clara dies; *I, 306*: ut primum lux alma data est. 3) *Cf. Aen. IX, 660*: animasque in aperta pericula mittunt; *cf. ib. XI, 360; Lucan. I, 299 sq.* 4) *Cf. Aen. XI, 186. et Lucan. II, 299*: ignibus atris. 5) *Cf. Aen. V, 662*: furit inmissis Vulcanus habenis. 6) *Cf. ib. I, 359*: argenti pondus et auri; *Georg. II, 507*: defossoque . . . auro; *Hor. Sat. I, 41 sq.*: argenti pondus et auri furtim defossa . . . terra. 7) *Cf. Aen. IV, 132*: et odora canum vis.

1075. Paucis Saxonum remanet domus aut pecus aut res.
 250 Per totam patriam nullus vastantibus obstat.
 Plures in silvis latitantve^a palustribus herbis,
cf. II, 182. Plures castra petunt regis seque et sua dedunt,
 Quis vel nunc veniam clementia regia donat.
 Rex victor, patria sic undique depopulata,
 255 Agmina muneribus donans dimittit opimis¹.
 Ipse² renitentes nec adhuc sua frena ferentes
cf. Aen. XI, Fidentesque fugae non destitit exagitare;
 351. Bello multiplici petit illos semper et acri,
 Nunc hac, nunc illac fines invasit eorum;
cf. ib. II, 748. 260 Iphis per curvas valles silvasque moratis
 Improvisus adest³, agitantibus ocia tuta.
 Pontifices⁴, comites⁵ cepit^b reliquosque fugavit,
 Quaeque relicta prius flammis nunc tradidit atris.
 His aliisque modis rex invictissimus hostes
cf. I, 120. 265 Conterit atque premit. Nec adhuc gens victa quievit,
cf. Georg. III, Sed iuga detrectat vel^c regia iura negabat.
 57. Ergo superborum rex debellator et ultor
 Rursus in arma vocat⁶ lectissima quaeque suorum
 Agmina, Lotharios cum Francis Poiariisque,
 270 Invictas acies bello^d, sectatur et hostes,
 Certus eos toto iam iam propellere regno.
 Exue duriciam cordis, gens saeva, vel ipso
 Temporis articulo! Iam nunc delebere vel tu
 Vel tua posteritas^e, ni^f colla superba remittas.
 275 Victa resistis ei, cui nullus restitit^g unquam?
 Exhorresve^h pio regi tua dedere colla?
 Num pessundatus est quisquam sibi deditus unquam?
 Subdereⁱ clementi, supplex^k substernere⁷ miti!
 p. 1235. Ipse paternorum certissimus assecla morum

a) latitant ne 2; latitantque *Reuber*. b) sic 2; cepit 1. c) et 2. d) sic distinguit 2; acies, bello sect. 1. e) prosperitas 2; *Reuber corr. ut 1 habet*. f) nisi 2. g) restit 2. h) Exhorres ne 2 (quod praefendum esse censet *Wattenbach, 'Heidelberg. Jahrb.'* 1871. p. 262; sed vide n. a); hic et sequens versus in marg. suppl. 1. i) hunc versus *Waitz* ante v. 277. posuit; sed v. n. 7. k) supplex 2.

1) Mense Iulio; *Bruno c. 53.* 2) V. 256—263. poeta caute et obiter tantum expeditionem illam parum prosperam tangit, qua rex per Boemiam marchiam Misnensem mense Septembri invasit; *Lamb. p. 232 sq.* 3) *Cf. Aen. IX, 48: improvisus adest.* 4) *Bennonem episcopum Misnensem rex Misnae cepit; Lamb. l. l.* 5) *Lamb. p. 232: homines plerosque ingenuos in dedicionem accepit.* 6) *Exercitus die Oct. 22. collectus est; Lamb. p. 233 sq. — Cf. Aen. VII, 694: agmina in arma vocat.* 7) *Subdere et substernere imperativos passivi esse censeo, quos auctor ratione medio aevo haud rara (ut dicimus, sensu 'mediali') posuit pro subde te, substerne te.*

- 280 Parcet^a subiectis debellabitque^b superbos¹. 1075.
 Ergo propinquantis dicto cum milite regis
 Castra petunt humiles Saxonum quique valentes,
 Iam diffidentes armisque dolisque fugaeque,
 Armis² exuti, demissi colla superba
 285 Nudatique pedes, cuncti cum supplice voto
 Regi se dedunt omni sine conditione³.
 Ecce tenes solitum tibi^c, rex invicte, triumphum,
 En^d tua frena pati gentem effrenem docuisti.
 Ut virtute geris, sic et pietate parentes,
 290 Rex auguste, gere, vel^e substratis miserere!
 His satis exempli, fortissime, iam statuisti,
 Si qui forte tuis obsistent amplius armis.
 Nunc tibi supplicibus propone quibusque futuris,
 Quid de te sperent, dum se tibi, rex pie, dedent!

a) Parcit submissis 1. b) *emendavi*; debellaturque 1. 2. c) tu 2. d) Cum 2.
 e) tu 2.

1) Cf. *Aen.* VI, 853: parcere subiectis et debellare superbos. 2) V. 285.
 286. *iam supra II*, 180 sq. 3) *Die Oct.* 25.